

গণপ্রজাতন্ত্রী বাংলাদেশ সরকার  
অর্থ মন্ত্রণালয়  
অভ্যন্তরীণ সম্পদ বিভাগ  
জাতীয় রাজস্ব বোর্ড।

( কাস্টমস )

প্রজ্ঞাপন

তারিখ : ২৬ জ্যৈষ্ঠ, ১৪১৮ বঙ্গাব্দ/০৯ জুন, ২০১১ খ্রিস্টাব্দ।

এস,আর,ও নং ১৬৫-আইন/২০১১/২৩৫২/কাস্টমস I- Customs Act, 1969 (Act IV of 1969) এর section 219, উক্ত Act এর Third Schedule এর Item 17 এর সহিত পঠিতব্য, এ প্রদত্ত ক্ষমতাবলে জাতীয় রাজস্ব বোর্ড, যাত্রী (অপর্যটক) ব্যাগেজ (আমদানি) বিধিমালা, ২০১০ বাতিলক্রমে, নিম্নরূপ বিধিমালা প্রণয়ন করিল, যথা:-

১। **সংক্ষিপ্ত শিরোনাম ও প্রয়োগ।-** (১) এই বিধিমালা যাত্রী (অপর্যটক) ব্যাগেজ (আমদানি) বিধিমালা, ২০১১ নামে অভিহিত হইবে।

(২) এই বিধিমালা Tourists Baggage (Import) Rules, 1981 এবং Privileged Persons (Customs Procedures) Rules, 2003 এর আওতাভুক্ত যাত্রী ব্যতীত সকল যাত্রীর ক্ষেত্রে প্রযোজ্য হইবে।

২। **সংজ্ঞা।-** বিষয় বা প্রসংগের পরিপন্থী কোন কিছু না থাকিলে, এই বিধিমালায় -  
(ক) “ব্যাগেজ” অর্থ কোন যাত্রী কর্তৃক আমদানিকৃত যুক্তিসংগত পরিমাণের খাদ্যদ্রব্য, পরিধেয়, গৃহস্থালী অথবা অন্যবিধ ব্যক্তিগত সামগ্রী;  
(খ) “যাত্রী” অর্থ বিদেশ হইতে আগত কোন যাত্রী;  
(গ) “তফসিল” অর্থ এই বিধিমালার কোন তফসিল।

৩। **আকাশ ও জলপথে আগত যাত্রীর শুল্ক ও কর সুবিধা।-** (১) আকাশ এবং জলপথে আগত ১২ (বার) বৎসর বা তদূর্ধ্ব বয়সের যাত্রীর সংগে আনীত হাতব্যাগ, কেবিনব্যাগ এবং ৬৫ (পঁয়ষট্টি) কিলোগ্রাম ওজনের অতিরিক্ত নহে এইরূপ দুইটি কার্টন, ব্যাগ বা বস্তায় অথবা ৩২” (বত্রিশ ইঞ্চি) দৈর্ঘ্য বিশিষ্ট দুইটি স্যুটকেস বা ট্রাংকে আনীত ব্যাগেজ সকল প্রকার শুল্ক ও কর পরিশোধ ব্যতিরেকে খালাস যোগ্য হইবে।

(২) উপ-বিধি (১) এ উল্লিখিত ব্যাগেজের অতিরিক্ত অনূর্ধ্ব ৩৫ (পঁয়ত্রিশ) কিলোগ্রাম ওজনের একটি স্যুটকেস, ট্রাংক, কার্টন, ব্যাগ বা বস্তায় আনীত ব্যক্তিগত ব্যবহার্য, পরিধেয় বস্ত্র, বই, সাময়িকী অথবা পড়াশুনার সামগ্রী সকল প্রকার শুল্ক ও কর পরিশোধ ব্যতিরেকে খালাস যোগ্য হইবে।

(৩) ১২ (বার) বৎসরের কম বয়সের যাত্রীর ক্ষেত্রে অনধিক ৪০ (চল্লিশ) কিলোগ্রাম ওজনের একটি কার্টন, ব্যাগ, বস্তায় বা ৩২" (বত্রিশ ইঞ্চি) দৈর্ঘ্য বিশিষ্ট একটি স্যুটকেস বা ট্রাংকে আনীত ব্যক্তিগত ব্যাগেজ সকল প্রকার শুল্ক ও কর পরিশোধ ব্যতিরেকে খালাস যোগ্য হইবে।

(৪) যাত্রীর সংগে আনা হয় নাই এমন ব্যাগেজ (unaccompanied baggage) তফসিল-১ এ বিধৃত ফরমে ঘোষণা প্রদান ও এই বিধিমালার সহিত সংগতিপূর্ণ হওয়া সাপেক্ষে, সকল প্রকার শুল্ক ও কর পরিশোধ ব্যতিরেকে খালাস করা যাইবে এবং উক্ত ব্যাগেজ খালাসের সময় ঘোষণা পত্রের একটি অনুলিপি সংশ্লিষ্ট শুল্ক (Customs) কর্মকর্তার নিকট দাখিল করিতে হইবে।

(৫) একজন যাত্রী তফসিল-৩ এ উল্লিখিত পণ্যের প্রত্যেকটির একটি করিয়া পণ্য সকল প্রকার শুল্ক ও কর পরিশোধ ব্যতিরেকে এবং তফসিল-২ এ উল্লিখিত পণ্যের প্রত্যেকটির একটি করিয়া পণ্য উক্ত তফসিলে উল্লিখিত শুল্ক ও কর পরিশোধ সাপেক্ষে আমদানি করিতে পারিবেন।

(৬) একজন বিদেশী পাসপোর্টধারী যাত্রী এক বোতল অথবা ৫০০ এম,এল পর্যন্ত মদ বা মদ্য জাতীয় পানীয় (যেমন-স্পিরিট, মদ, বিয়ার, ইত্যাদি) সকল প্রকার শুল্ক ও কর পরিশোধ ব্যতিরেকে আমদানি করিতে পারিবেন।

(৭) কোন যাত্রী তফসিল-২ এবং তফসিল-৩ এ উল্লিখিত পণ্য বিদেশ হইতে সংগে না আনিয়া থাকিলে তফসিল-৪ এ বিধৃত ফরমে উল্লেখক্রমে তাহা বাংলাদেশ পর্যটন করপোরেশনের সিটি সেলস সেন্টার হইতে যাত্রী আগমনের ৭ (সাত) কার্যদিবসের মধ্যে ক্রয় করিতে পারিবেন।

(৮) একজন যাত্রী তাহার পেশাগত কাজে ব্যবহার্য এবং সহজে বহনযোগ্য যন্ত্রপাতি সকল প্রকার শুল্ক ও কর পরিশোধ ব্যতিরেকে আমদানি করিতে পারিবেন।

(৯) একজন যাত্রী অনধিক ২০০(দুইশত) গ্রাম ওজনের স্বর্ণ অথবা রৌপ্যের অলংকার (এক প্রকার অলংকার ১২ টির অধিক হইবে না) সকল প্রকার শুল্ক ও কর পরিশোধ ব্যতিরেকে আমদানি করিতে পারিবেন।

(১০) একজন যাত্রী বিদেশ হইতে দেশে আগমনকালে অনধিক ২০০ (দুইশত) গ্রাম ওজনের স্বর্ণবার বা স্বর্ণপিণ্ড অথবা ২০০(দুইশত) গ্রাম ওজনের রৌপ্যবার বা রৌপ্যপিণ্ড সকল প্রকার শুল্ক ও কর পরিশোধ সাপেক্ষে আমদানি করিতে পারিবেন।

(১১) ১২ (বার) বৎসরের কম বয়সের যাত্রী বিধি ৩ এর উপ-বিধি (৩) এ উল্লিখিত সুবিধা ব্যতীত অন্য কোন সুবিধা পাইবেনা।

৪। স্থল পথে আগত যাত্রীর জন্য সুবিধা।- বিদেশে অবস্থানের মেয়াদ নির্বিশেষে স্থলপথে আগত একজন যাত্রী সর্বোচ্চ ৩০০ (তিন শত) মার্কিন ডলার মূল্যের ব্যাগেজ সকল প্রকার শুল্ক ও কর পরিশোধ ব্যতিরেকে আমদানি করিতে পারিবেন।

৫। অসুস্থ ও পঙ্গু যাত্রীর জন্য সুবিধা।- আকাশ, জলপথ বা স্থলপথে আগত একজন অসুস্থ, পঙ্গু অথবা বৃদ্ধ যাত্রীর ব্যবহার্য চিকিৎসা যন্ত্রপাতি ও ছইল চেয়ার সকল প্রকার শুল্ক ও কর পরিশোধ ব্যতিরেকে খালাস করা যাইবে।

৬। ড্রু, নাবিক এবং অন্যান্যদের জন্য সুবিধা।- (১) পেশাগত দায়িত্ব পালন শেষে বিদেশ হইতে আগত বাংলাদেশী এয়ার লাইসেন্সে কর্তব্যরত কোন বাংলাদেশী ড্রু বা কর্মকর্তা এবং বাংলাদেশের কোন বিমান বন্দরে ফ্লাইট পরিচালনাকারী কোন বিদেশী এয়ার লাইসেন্সে কর্তব্যরত কোন বাংলাদেশী ড্রু বা কর্মকর্তা সর্বোচ্চ ১০০ (এক শত) মার্কিন ডলার মূল্যের ব্যাগেজ সকল প্রকার শুদ্ধ ও কর পরিশোধ ব্যতিরেকে আমদানি করিতে পারিবেন।

(২) বিদেশী সমুদ্রবন্দর হইতে আগমনকারী কোন জাহাজের বাংলাদেশী নাবিক বা কর্মকর্তা সর্বোচ্চ ৩০০ (তিন শত) মার্কিন ডলার মূল্যের ব্যাগেজ সকল প্রকার শুদ্ধ ও কর পরিশোধ ব্যতিরেকে আমদানি করিতে পারিবেন।

(৩) উপ-বিধি (২) এ উল্লিখিত নাবিক বা কর্মকর্তা সাইন অফ (sign off) করিলে তিনি অনূর্ধ্ব ২,০০০ (দুই হাজার) মার্কিন ডলার মূল্যের ব্যাগেজ আরোপযোগ্য সকল প্রকার শুদ্ধ ও কর পরিশোধক্রমে আমদানি করিতে পারিবেন।

(৪) বিদেশ হইতে আগত যাত্রীবাহী বাসের চালক ও স্টুয়ার্ডগণ (হেলপার/এ্যাসিস্ট্যান্ট) পরিধেয় বস্ত্র, বিছানা (বেডিং) ও রন্ধনকৃত খাদ্য সামগ্রী এবং সর্বোচ্চ ৫০ (পঞ্চাশ) মার্কিন ডলার মূল্যের ব্যক্তিগত ও গৃহস্থালী পণ্য সকল প্রকার শুদ্ধ ও কর পরিশোধ ব্যতিরেকে আমদানি করিতে পারিবেন।

৭। গ্রীন এবং রেড চ্যানেল ব্যবহার।- (১) কোন যাত্রী শুদ্ধ ও কর আরোপযোগ্য পণ্য বহন না করিলে তিনি বিমান বন্দরের গ্রীন চ্যানেল (যদি থাকে) ব্যবহার করিতে পারিবেন।

(২) গ্রীন চ্যানেল অতিক্রমকারী সর্বোচ্চ ৫% (শতকরা পাঁচ ভাগ) যাত্রীর ব্যাগেজ দৈবচয়নের ভিত্তিতে শুদ্ধ (Customs) কর্মকর্তা কর্তৃক স্ক্যানিং ও পরীক্ষা করা যাইবে।

(৩) উপ-বিধি (১) ও (২) এ যাহা কিছুই থাকুক না কেন, কোন শুদ্ধ (Customs) কর্মকর্তা, যুক্তিসংগত সন্দেহবশতঃ গ্রীন চ্যানেল অতিক্রমকারী যে কোন যাত্রীর ব্যাগেজ স্ক্যানিং ও পরীক্ষা করিতে পারিবেন।

৮। সকল যাত্রীর জন্য শুদ্ধ ঘোষণাপত্রের বিধান।-(১) বিদেশ হইতে আগত সকল যাত্রী কর্তৃক শুদ্ধ (Customs) কর্তৃপক্ষের নিকট তফসিল-১ এ বর্ণিত ফরম পূরণ করিয়া ব্যাগেজ ঘোষণা প্রদান করিতে হইবে।

(২) যাত্রীর সংগে আনীত হয় নাই এমন ব্যাগেজ (unaccompanied baggage) এর ক্ষেত্রে কাস্টমস হল (Customs hall)/শুদ্ধ এলাকা ত্যাগ করিবার পূর্বেই যাত্রী কর্তৃক শুদ্ধ (Customs) কর্তৃপক্ষের নিকট তফসিল-১ এ বর্ণিত ফরম পূরণ করিয়া ব্যাগেজ ঘোষণা প্রদান করিতে হইবে।

(৩) ভুলবশতঃ অথবা অন্য কোন অনিবার্য কারণে উপ-বিধি (১) ও উপ-বিধি (২) মোতাবেক যাত্রী কর্তৃক ঘোষণা প্রদান করা সম্ভব না হইলে আগমনের তারিখ হইতে অনধিক ২১ (একুশ) দিনের মধ্যে সংশ্লিষ্ট সহকারী কমিশনার (Assistant Commissioner of Customs)

নিম্নে নহেন এমন শুল্ক (Customs) কর্মকর্তার নিকট তফসিল-১ এ বর্ণিত ফরম পূরণ করিয়া ব্যাগেজ ঘোষণা প্রদান করিতে পারিবেন।

(৪) একজন যাত্রী ১ (এক) পঞ্জিকা বৎসরে মাত্র ১ (এক) বার unaccompanied baggage আনিতে পারিবেন।

৯। মৃত ব্যক্তির ক্ষেত্রে অব্যাহতি।- এই বিধিমালায় যাহা কিছুই থাকুক না কেন, কোন বাংলাদেশী নাগরিক বিদেশে মৃত্যুবরণ করিলে তাহার ব্যাগেজ সকল প্রকার শুল্ক ও কর প্রদান হইতে অব্যাহতি পাইবে।

১০। বাণিজ্যিক পরিমাণে ব্যাগেজ আমদানির ক্ষেত্রে শুল্ক ও কর।- এই বিধিমালার অন্যান্য বিধানে যাহা কিছুই থাকুক না কেন, কোন যাত্রী তফসিল-২ এবং তফসিল-৩ এ উল্লিখিত পণ্যের অতিরিক্ত বা ভিন্ন কোন পণ্য আমদানি করিলে প্রধান আমদানি ও রপ্তানি নিয়ন্ত্রক (সিসিআইএভই) - এর ছাড়পত্র উপস্থাপন সাপেক্ষে, ন্যায়-নির্ণয়নপূর্বক (adjudication) প্রদেয় সমুদয় শুল্ক-কর, অর্থদণ্ড ও জরিমানা, প্রযোজ্য ক্ষেত্রে, পরিশোধ সাপেক্ষে খালাস করিতে পারিবেন।

#### তফসিল-১

বিধি ৩(৪), ৮(১), ৮(২) ও বিধি ৮(৩) দ্রষ্টব্য

[ জাতীয় রাজস্ব বোর্ড এর ব্যাগেজ ঘোষণা ফরম ]

[প্রযোজ্য অংশে টিক (√) চিহ্ন দিন]

১।	যাত্রীর নাম	:		
২।	পিতা/ স্বামীর নাম	:		
৩।	মাতার নাম	:		
৪।	পাসপোর্ট নং	:		
৫।	ফ্লাইট নং	:		
৬।	আগমনের তারিখ	:		
৭।	জাতীয়তা	:		
৮।	পেশা	:		
৯।	আপনি বিগত তিন মাসে যে সকল দেশ ভ্রমণ করিয়াছেন	:	<u>দেশের নাম</u> (ক) (খ) (গ)	<u>ভ্রমণের তারিখ</u>
১০।	আপনার সংগে আনীত স্যুটকেস, কার্টন, ট্রাংক, ব্যাগ এবং কেবিন ব্যাগ ইত্যাদির তথ্য	:	বর্ণনা ও সংখ্যা	<u>ওজন</u>  <input type="text"/>

- ১১। (ক) আপনার নিকট ২০০ (দুইশত) গ্রামের বেশী ওজনের স্বর্ণ অথবা রৌপ্য অলংকার আছে কি? [উল্লেখ্য, ২০০ (দুইশত) গ্রাম ওজনের স্বর্ণ/রৌপ্য অলংকার সকল প্রকার শুদ্ধ ও কর পরিশোধ ব্যতিরেকে খালাসযোগ্য, তবে এক প্রকার অলংকার ১২(বার) টির অধিক হইবে না ]
- ঃ  আছে  নাই
- (খ) স্বর্ণ বা রৌপ্য অলংকার উপরের (ক) তে উল্লিখিত পরিমানের বেশী থাকিলে ২০০ গ্রামের অতিরিক্ত স্বর্ণ অথবা রৌপ্য অলংকারের পরিমাণ
- ঃ বর্ণনা পরিমাণ
- ১২। (ক) আপনার নিকট ২০০(দুইশত)গ্রামের বেশী ওজনের স্বর্ণবার বা স্বর্ণপিণ্ড অথবা ২০০ (দুইশত) গ্রামের বেশী ওজনের রৌপ্যবার বা রৌপ্যপিণ্ড আছে কি? [উল্লেখ্য ২০০ গ্রাম পর্যন্ত স্বর্ণবার বা স্বর্ণপিণ্ড অথবা রৌপ্যবার বা রৌপ্যপিণ্ড শুদ্ধ-করাদি পরিশোধ সাপেক্ষে খালাসযোগ্য]
- ঃ  আছে  নাই
- (খ) স্বর্ণবার বা স্বর্ণপিণ্ড অথবা রৌপ্যবার বা রৌপ্যপিণ্ডের উপরের (ক) তে উল্লিখিত পরিমাণের বেশী থাকিলে ২০০ গ্রামের অতিরিক্ত স্বর্ণপিণ্ড বা স্বর্ণবার অথবা রৌপ্যপিণ্ড বা রৌপ্যবারের পরিমাণ
- ঃ বর্ণনা পরিমাণ

- ১৩। (ক) আপনার নিকট মদ, মদ্যজাতীয় পানীয়, সিগারেট বা মাদক দ্রব্য আছে কি ?  
[উল্লেখ্য, এক কার্টন (২০০ শলাকা) সিগারেট এবং কেবল বিদেশী পাসপোর্টধারী যাত্রীর ক্ষেত্রে এক বোতল অথবা ৫০০ এম. এল. পর্যন্ত মদ বা মদ্য জাতীয় পণ্য সকল প্রকার শুদ্ধ ও কর পরিশোধ ব্যতিরেকে খালাসযোগ্য ] :
- আছে  নাই
- (খ) উপরের (ক) তে উল্লিখিত পরিমাণের বেশী থাকিলে উহার বিবরণঃ বর্ণনা পরিমাণ
- ১৪। (ক) আপনার নিকট অন্যান্য ৫,০০০ (পাঁচ হাজার) মার্কিন ডলারের বা উহার সমপরিমাণ অর্থের অধিক কোন বৈদেশিক মুদ্রা আছে কি? :
- আছে  নাই
- (খ) উপরের (ক) তে উল্লিখিত পরিমাণের বেশী থাকিলে উহার বিবরণ এফএমজে ফরমে ঘোষণা করিতে হইবে :
- ১৫। (ক) আপনার ব্যাগেজে শুদ্ধ বা কর আরোপযোগ্য কোন পণ্য আছে কি? :
- আছে  নাই
- (খ) ব্যাগেজে শুদ্ধ বা কর আরোপযোগ্য পণ্য থাকিলে উহার বিবরণঃ বর্ণনা পরিমাণ
- ১৬। (ক) সংগে আনা হয় নাই এমন ব্যাগ, স্যুটকেস, ট্রাংক, কার্টন, ইত্যাদির তথ্য :
- সংখ্যা ওজন
- (খ) এয়ারওয়ে বিল/বিল অব লোডিং নম্বর ও তারিখ

যাত্রীর স্বাক্ষর (পাসপোর্ট অনুসারে) :

তারিখ :

রেভিনিউ অফিসার অব কাস্টমস

**তফসিল-২**  
বিধি ৩(৫),৩(৭) ও বিধি ১০ দ্রষ্টব্য

[শুল্ক-কর আরোপযোগ্য পণ্যের সংক্ষিপ্ত তালিকা]

- (ক) ব্যক্তিগত এবং গৃহস্থালী কাজে ব্যবহৃত হয়না এমন কোন পণ্য।
- (খ) দুইটি স্যুটকেসের অতিরিক্ত স্যুটকেসে আনীত ব্যাগেজ। তবে তৃতীয় স্যুটকেসে আনীত বই পত্র, সাময়িকী বা শিক্ষার উপকরণ শুল্ক ও কর মুক্তভাবে খালাসযোগ্য।
- (গ) বাণিজ্যিক পরিমাণে যে কোন পণ্য ব্যাগেজে আমদানি করা হইলে শুল্ক ও কর আদায়যোগ্য।
- (ঘ) নিম্নে বর্ণিত ব্যক্তিগত ও গৃহস্থালী পণ্য ব্যাগেজ হিসাবে আমদানি হইলেও প্রতিটির পার্শ্বে উল্লিখিত নির্দিষ্ট পরিমাণ শুল্ক ও কর পরিশোধ করিতে হইবেঃ

ক্রমিক নং	পণ্যের বর্ণনা	শুল্ক-কর এর পরিমাণ
(১)	(২)	(৩)
১।	Plasma, LCD, TFT, LED ও অনুরূপ প্রযুক্তির টেলিভিশন	
	(ক) ১৮"- ২১" পর্যন্ত	৭,৫০০/- টাকা
	(খ) ২২"-২৯" পর্যন্ত	১৫,০০০/- টাকা
	(গ) ৩০"-৩৬" পর্যন্ত	২০,০০০/- টাকা
	(ঘ) ৩৭"-৪২" পর্যন্ত	৩০,০০০/- টাকা
	(ঙ) ৪৩" -৪৬" পর্যন্ত	৫০,০০০/- টাকা
	(চ) ৪৭"-৫২" পর্যন্ত	৭০,০০০/- টাকা
	(ছ) ৫৩" থেকে তদূর্ধ্ব সাইজ	১,০০,০০০/- টাকা
২।	(ক) ৪ (চার) টি স্পীকারসহ কম্পোনেন্ট (মিউজিক সেন্টার) (সিডি/ ভিসিডি/ ডিভিডি/এলডি/ এমডি/ বু-রেডিস্ক সেট)	৪,০০০/- টাকা
	(খ) ৪ (চার) এর অধিক তবে সর্বোচ্চ ৮ টি স্পীকারসহ (মিউজিক সেন্টার)/স্পীকার নির্বিশেষে হোম থিয়েটার (সিডি/ ভিসিডি/ ডিভিডি/ এলডি/এমডি/ব্লু রেডিস্ক সেট)	৮,০০০/- টাকা
৩।	রেফ্রিজারেটর/ডিপ ফ্রিজার	৫,০০০/- টাকা
৪।	ডিশ ওয়াশার/ওয়াশিং মেশিন/ক্রুথ ড্রাইয়ার	৩,০০০/- টাকা
৫।	এয়ার কুলার/এয়ার কন্ডিশনার	
	(ক) উইনডো টাইপ (window type)	৭,০০০/- টাকা
	(খ) স্প্লিট টাইপ (split type)	১৫,০০০/- টাকা
৬।	গ্যাস ওভেন (বার্নার সহ)	৩,০০০/- টাকা
৭।	ডিশ এন্টেনা	৭,০০০/- টাকা

ক্রমিক নং	পণ্যের বর্ণনা	শুষ্ক-কর এর পরিমাণ
(১)	(২)	(৩)
৮।	স্বর্ণবার বা স্বর্ণপিণ্ড (সর্বোচ্চ ২০০ গ্রাম)	প্রতি ১১.৬৬৪ গ্রাম ১৫০/- টাকা
৯।	রৌপ্যবার বা রৌপ্যপিণ্ড (সর্বোচ্চ ২০০ গ্রাম)	প্রতি ১১.৬৬৪ গ্রাম ৬/- টাকা
১০।	HD Cam, DV Cam, BETA Cam এবং Professional কাজে ব্যবহৃত হয় এরূপ ক্যামেরা	১৫,০০০/- টাকা
১১।	এয়ারগান/এয়ার রাইফেল (বাণিজ্য মন্ত্রণালয়ের অনুমোদন সাপেক্ষে আমদানিযোগ্য, আমদানি নীতি আদেশ ২০০৯- ২০১২ দ্রষ্টব্য)	৫,০০০/- টাকা
১২।	ঝাড়বাতি	৩০০/- টাকা (প্রতি পয়েন্ট)
১৩।	কার্পেট ১৫ বর্গমিটার পর্যন্ত	৩০০/- টাকা (প্রতি বর্গমিটার)

তফসিল-৩

[ বিধি ৩(৫), ৩(৭) ও বিধি ১০ দ্রষ্টব্য ]

[ শুষ্ক ও কর মুক্ত পণ্যের তালিকা ]

ক্রমিক	পণ্যের নাম
১	ক্যাসেট প্লেয়ার/টুইনওয়ান ;
২	ডিস্কম্যান/ওয়াকম্যান (অডিও) ;
৩	বহনযোগ্য অডিও সিডি প্লেয়ার ;
৪	ডেস্কটপ/ল্যাপটপ কম্পিউটার (একটি ইউপিএস সহ) ;
৫	কম্পিউটার স্ক্যানার ;
৬	কম্পিউটার প্রিন্টার ;
৭	ফ্যাক্স মেশিন;
৮	ভিডিও ক্যামেরা (HD Cam, DV Cam, BETA Cam এবং Professional কাজে ব্যবহৃত হয় এরূপ ক্যামেরা ব্যতীত) ;
৯	স্টীল ক্যামেরা /ডিজিটাল ক্যামেরা ;
১০	সাধারণ/পুশবটন/কর্ডলেস টেলিফোন সেট ;
১১	সাধারণ/ইলেকট্রিক ওভেন/ মাইক্রোওয়েভ ওভেন ;
১২	রাইস কুকার/প্রেসার কুকার ;
১৩	টোস্টার/স্যান্ডউইচ মেকার/ব্রেডার/ফুড প্রসেসর/জুসার/ কফি মেকার;
১৪	সাধারণ ও বৈদ্যুতিক টাইপরাইটার ;
১৫	গৃহস্থালী সেলাই মেশিন (ম্যানুয়াল/ বৈদ্যুতিক) ;



১৬	টেবিল/ প্যাডেস্টাল ফ্যান/গৃহস্থালী সিলিং ফ্যান ;
১৭	স্পোর্টস সরঞ্জাম (ব্যক্তিগত ব্যবহারের জন্য);
১৮	২০০ গ্রাম ওজনের স্বর্ণ/ রৌপ্য অলংকার ( এক প্রকার অলংকার ১২টির অধিক হইবে না) ;
১৯	১ কার্টন (২০০ শলাকা) সিগারেট ;
২০	২৯" পর্যন্ত (CRT) সাদাকালো/রঙিন টেলিভিশন ;
২১	ভিসিআর/ভিসিপি ;
২২	সাধারণ সিডি ও দুইটি স্পীকারসহ কম্পোনেন্ট (মিউজিক সেন্টার) (সিডি/ ভিসিডি/ ডিভিডি/এলডি/ এমডি সেট);
২৩	ভিসিডি/ডিভিডি/এলডি/এমডি/ ব্লু রেডিস্ক প্লেয়ার ;
২৪	এলসিডি কম্পিউটার মনিটর (টিভি সুবিধা থাকুক বা নাই থাকুক) ১৭" পর্যন্ত;
২৫	একটি মোবাইল/ সেলুলার ফোন সেট

#### তফসিল-৪

[ বিধি ৩ (৭) দৃষ্টব্য ]

পণ্য ক্রয় সংক্রান্ত ফরম

[ঘোষিত পণ্য যাত্রী আগমনের সাতটি কার্যদিবসের মধ্যে ক্রয় করিতে হইবে]

- ১। যাত্রীর নাম :
- ২। পাসপোর্ট নং :
- ৩। ফ্লাইট নং :
- ৪। আগমনের তারিখ :
- ৫। তফসিল-২ এবং তফসিল-৩ ভুক্ত যেই সকল পণ্য বাংলাদেশ পর্যটন করপোরেশনের সিটি সেলস সেন্টার হইতে ক্রয় করিতে ইচ্ছুক (এই বিধিমালার অধীনে প্রাপ্যতা অনুসারে তফসিল-২ এবং তফসিল-৩ ভুক্ত যেই সকল পণ্য সংগে আনা হইয়াছে, তাহার সাথে সমন্বয় করিয়া দায়িত্বে নিয়োজিত শুল্ক (Customs) কর্মকর্তা যাত্রী কর্তৃক ঘোষিত পণ্যের প্রাপ্যতা নির্ধারণ করিবেন) :

ক্রমিক নং	পণ্যের বর্ণনা	সংখ্যা

যাত্রীর স্বাক্ষর

এসিস্ট্যান্ট রেভিনিউ অফিসার  
অব কাস্টমস্ এর স্বাক্ষর  
(নামীয় সীলসহ)

সহকারী/উপ-কমিশনার  
(Assistant/Deputy  
Commissioner of Customs)  
এর স্বাক্ষর  
(নামীয় সীলসহ)

জাতীয় রাজস্ব বোর্ডের আদেশক্রমে,

স্বাক্ষরিত/-  
(খালেদ মোহাম্মাদ আবু হোসেন)  
দ্বিতীয় সচিব (শুল্ক)।